

# Chjaruscuru

D'una lotta naziunale  
N'aveti fattu un spavechju  
Ch'ellu si sbrumi lu spechju  
Di la vostra infideltà

Di tante parolle linde  
N'eti spizzatu l'essenza  
Essendu più ch'omu pensa  
Un arte di falsità

Quandu u camisgiu di seta  
Piatta una maschera umbrosa  
Vergogna à chi stà à l'ascosa  
Intimuritu à trimulà

Tinti à quelli chi sò cascati  
Per l'unu o l'altu di voi  
Un saranu mai eroi  
Chi disguastu è chi pietà

Torna una cria  
Cercu una via  
Raghju di sole chi caccerà  
In tempu duru  
Lu chjaruscuru  
È tante piaghe da risanà

Cercu sfidatu  
D'un altu latu  
L'anticu solcu da suminà

D'impustura in tradimentu  
S'annunziava lu sfragellu  
Chi stilittava u « fratellu »  
L'amicu di longu andà

Seti stati più chè vili  
Di superbia o rapina  
A calcicà in pulvina  
Forze, sperenze, credeltà  
Essendu più ch'omu pensa

Avariate pretenzione  
D'essa torna u portavoce  
D'un populu messu in croce  
Da voi, lesti à inchjudà

Corci i puri chi sò cascati  
Per l'unu o l'altru di voi  
Ùn saranu mai eroi  
Chi disgrastu è chi pietà

D'una lotta naziunale  
Schizzanu, le chiare vite  
Purtate in mane pulite  
D'altri cori à sbramà

Chi lu mio essere invita  
Da sprufundà ogni lita  
« Core in fronte, strada diritta »  
Per lu sempre à suvità

Quandu chi lu chjaruscuru  
Ci vulterà alba chjara  
Brusgendu d'un'altra fiara  
Senza voi, dumane, chi sà.

Natale Luciani